



Kwenzeka ntoni xa ngaba imida yesithili ovota kuso itshintsha?



Ngamanye amaxesha imida yesithili ovota kuso kufuneka itshintshwe. Xa ngaba kwenzeka le nto, abavoti ababhalisileyo kwiindawo ezichaphazelekayo kufuneka babhalise kwakhona. Kubalulekile ukuba uphinde ubhalise ukuze ungavoti kwisithili esingesiso. Kufuneka ube kwisithili esichanekileyo ukuze uvotele uceba wewadi oza kumela iwadi ohlala kuyo. Ukuze uncedakale ekwenzeni oku:

- Amagosa ka- IKhomishini yoNyulo (atyelela amakhaya abavoti abachaphazelekayo ukuze bababhalise kwisithili sokuvota esifanelekileyo
- Kananjalo amagosa ka- IKhomishini yoNyulo (aza kubacacisela abavoti ukuba kutheni zitshintshiwe izitishi abavota kuzo.

Kutheni itshintshwa imida yesithili sokuvota?

Ngamanye amaxesha kuyimfuneko ukusikwa ngokutsha kwemida yesithili sokuvota. Oku kunokwenzeka ukuze:

- Abavoti bakwazi ukufikelela ngokulula kakhulu kwisitishi abavota kuso.
- IKhomishini yoNyulo ibe nakho ukuseka ezinye izitishi zokuvota kwiindawo apho ukuba bekungenjalo abavoti bekuza kufuneka beme emigceni emide ukuze bavote.
- Isithili sokuvota sibe kumda wewadi kamasipala kwiimeko apho imida kamasipala kuye kwafuneka ihlengahlengiswe.

IKhomishini yoNyulo isebenzisa izithili zokuvota xa isenza izicwangciso zonyulo:

- Abavoti babhaliswa kumqulu wabavoti wesizwe ngokwesithili abavota kuso.
- Ukwazi ukuba ngabaphi abavoti abakwesiphi isithili sokuvota kwenza kube lula ukwenza izicwangciso. Umzekelo, kuyanceda ekucwangciseni inani lamaphepha okuvota aza kufuneka kwisitishi ngasinye sokuvota.
- Ukwazi ukuba ngomphi umvoti okwesiphi isithili sokuvota kuyanceda ukuqinisekisa ukuba yonke inkqubo yokuvota yenziwa ngokusemthethweni. **Awuvumelekanga ukubhalisa kwisithili sokuvota ngokuqhelekileyo ongengomhlali kuso.**

Kufuneka benze ntoni abavoti abachaphazelekayo?

- Kufuneka wazi ukuba abantu abasebenzela iKhomishini yoNyulo kwingingqi yakho kungafuneka batyelele ikhaya lakho.
- Baza kuzichaza ukuba basebenzela iKhomishini yoNyulo.



- Umele ubabonise isazisi sakho esiluhlaza nesinebha-khowudi (i-ID), i-ID esismartcard okanye isiqinisekiso se-ID sexeshana.
- Umele ugcwalise ifomu abakunika yona ukuze baphinde bakubhalise ngokutsha.
- Igosa le- IKhomishini yoNyulo (liza kufota i-ID okanye ismartcard sakho ngescanner. Liza kuncamathelisa iphetshana elithile kwi-ID yakho okanye, ukuba unesmartcard, liza kulincamathelisa efomini. Obu bubungqina bokuba wenze isicelo sobhaliso. Igosa liza kukunika idilesi yesitishi esitsha sokuvota.

KHUMBULA: Musa ukulinika idilesi engeyiyo igosa elo. **Lityala eli yaye ungazibona sele uthothoza kwezimnyama izisele into ephaya kwiminyaka eli-10.**

Kufuneka baphinde babhalise **nini** abavoti abachaphazelekayo?

- Ngokuphathelele kwiinkqubo zonyulo zorhulumente wengingqi, uya kutyelelwa ekhayeni lakho ngemihla eya kuqinisekiswa.
- Imihla enokuba yeyotyelelo iyakuvela kumaphephandaba engingqi. Amaphetshana anolwazi aza kuziswa ekhayeni lakho.
- Kananjalo ungabhalisa kwakhona kwiofisi yakho yengingqi ye- IKhomishini yoNyulo (okanye kwisithili sakho sovoto ngexesha lempelaveki yokubhalisa kazwelonke phambi kweenkqubo zonyulo lorhulumente wengingqi zowama-2016.

KHUMBULA: Awungekhe Ukwazi ukubhalisa kwi-intanethi okanye ngokutsala umnxeba. Umele ubhalise ubuqu..



Ukuze ufumane olunye **ulwazi** qhagamshelana:

I-ofisi yesizwe

Ifowuni: 012 622 5700 Ifeksi: 012 622 5784

Iziko leenkonzelo

0800 11 8000 (ngithuba lonyulo)

Ii-ofisi zamaphondo

EMpuma Koloni

Ifowuni: 043 709 4200

Ifeksi: 043 743 4784

KwaZulu-Natala

Ifowuni: 031 279 2200

Ifeksi: 031 279 2226

EMntla Ntshona

Ifowuni: 018 391 0800

Ifeksi: 018 391 0851

EFreyistata

Ifowuni: 051 401 5000

Ifeksi: 051 430 4845

ELimpopo

Ifowuni: 015 283 9100

Ifeksi: 015 297 2506

EMntla Koloni

Ifowuni: 053 838 5000

Ifeksi: 053 831 8095

EGauteng

Ifowuni: 011 644 7400

Ifeksi: 011 644 7448

EMpumalanga

Ifowuni: 013 754 0200

Ifeksi: 013 753 2564

ENtshona Koloni

Ifowuni: 021 910 5700

Ifeksi: 021 910 4965

Nge-Intanethi

iec@elections.org.za

www.elections.org.za

www.facebook.com/IECSouthAfrica

www.youtube.com/IECSouthAfrica

www.twitter.com/IECSouthAfrica